

CHUMVI NA NURU

MWONGOZO WA MWANAFUNZI

Somo la 1: Hadithi tatu fupi






Jamii ya 1 Katika kijiji kimoja, mtu alipougua, mganga alikuja na kuwataka watoe kafara ya mnyama ili apate ushauri na dawa. Wakristo kanisani walipojifunza juu ya afya kupitia programu wa TCT, walianza kutumia masomo hayo kujitibu magonjwa ya kawaida na majirani zao. Watu wote kijijini waliweza kuona kwamba watu ambao walikuwa wakifuata ushauri wao wangepona bila hata kutoa kafara ya wanyama. Sasa kijiji kizima kinajaribu kuzuia na kutibu magonjwa badala ya kutoa kafara. Hii huokoa pesa zetu na kutufanya tuwe na afya! Inaonekana kwamba kumtumikia Mungu wao kunaboresha maisha yao. Kunaboresha maisha ya wengine, pia!!





Jamii ya 2 Kijijini kwetu, watu walipokuja kuvuna shambani, mmiliki wa shamba angelazimika kuandaa chakula kingi na soda au pombe. Pengine gharama hii ilikuwa kubwa zaidi ya faida kutoka kwenye mavuno! Baada ya kusoma juu ya kufanya Matendo ya Upendo, Wakristo katika jamii hii waliamua kwamba watasaidia katika mashamba ya maskini bila malipo yoyote. Mara, watu wengine kijijini waliona kile walichokuwa wakifanya na wakaacha kuhitaji chakula na vinywaji, pia. Waliweza kusaidia hata shambani kwangu! Siku hizi kila mtu kijijini yuko tayari kufanya kazi kwenye mashamba ya wengine bure. Wote huleta vyakula vyetu wenyewe. Matokeo yake, ninaweza kupata faida na hata jirani zangu! Sasa msimu wa kuvuna ni wakati ambao tunautarajia badala ya kuuhofia, na tunaweza kuhudumia familia zetu kwa faida zetu tupatazo! Ninashangaa kwa nini kanisa liliamua kuwasaidia hata watu ambao sio Wakristu? Labda nitawauliza...

Jamii ya 3 Kijiji chetu kimefanya Matendo ya Upendo kuwa sehemu ya maisha yao ya kila siku. Tunafanya Matendo ya Upendo kila wiki. Kwa kweli, huu umekuwa utaratibu wa kawaida katika maisha hivi sasa, mtu anapoona uhitaji, wataacha kile wanachofanya na kujaribu kutatua shida. Kukiwa na mawe au takataka barabarani, huziondoa. Matokeo yake, kijiji chetu chote kimebadilika kutoka kuwa moja ya vijiji vichafu zaidi, maendeleo duni katika eneo hilo na kuwa kilichoendelea na kisafi! Hivi karibuni tumeweza kujenga kanisa zuri kwa mapato yanayotokana na kufanya kazi kwa bidii na kusaidiana! Tunaweza *kuona* mabadiliko hayo, Lakini *tunahisi* mabadiliko pia kwa namna tunavyotendeanza. Tuna furaha zaidi na kushukuru kwamba watu wa kanisa walitupenda vya kutosha kwa kutuonesha namna bora ya kuishi.










- Kanisa lilifanya nini kwenye kila kisa?
- Mekanisa yalionaje baraka za Mungu?
- Ni mabadiliko gani yalifanyika katika jamii?
- Watu katika vijiji waliitikiaje?
- Tunawezaje kuwa kama mekanisa haya?

Somo la 4: Hatua za Kushinda Dhambi










HATUA	PICHA	MAANDIKO
KUONDOA DHAMBI		
1. Tambua dhambi		Zaburi 139: 23–24 “Ee Mungu, unichunguze, ujue moyo wangu, unijaribu, uyajue mawazo yangu; Uone kama iko njia iletayo majuto ndani yangu, ukaniongoze katika njia ya milele.”
2. Kiri & usamehewe		I Yohana 1:9 “Tukiziungama dhambi zetu, Yeye ni mwaminifu na wa haki hata atuondolee dhambi zetu, na kutusafisha udhalimu wote.
3. Tubu & Jitoe		Ayubu 31:1 “Nilifanya agano na macho yangu; Basi nawezaje kumwangilia msichana?”
KUFANYA UPYA AKILI ZETU		
4. Omba kila siku		Warumi 7:19–20 “Kwa maana lile jema nilipendalo, silitendi; bali lile baya nisilolipenda ndilo nilitendalo. Basi kama lile nisilolipenda ndilo nilitendalo, si mimi nafsi yangu nilitendaye, bali ni ile dhambi ikaayo ndani yangu.” Mathayo 26:41 “Kesheni, mwombe, msije mkaingia majaribuni; roho i radhi, lakini mwili ni dhaifu.”
5. Kudhibiti akili zetu		Warumi 12:2 “Wala msiifuatishe namna ya dunia hii; bali mgeuzwe kwa kufanywa upya nia zenu, mpate kujua hakika mapenzi ya Mungu yaliyo mema, ya kumpendeza, na ukamilifu.” Wakolosai 3:2 “Yafikirini yaliyo juu, siyo yaliyo katika nchi.” 2 Wakorintho 10:5 “Tukiangusha mawazo na kila kitu kilichoinuka, kijiinuacho juu ya elimu ya Mungu; na tukiteka nyara kila fikira ipate kumtii Kristo.” Wafilipi 4:8 “Hatimaye, ndugu zangu, mambo yoyote yaliyo ya kweli, yoyote yalto ya staha, yoyote yaliyo ya haki, yoyote yaliyo safi, yoyote yenye kupendeza, yoyote yenye sifa njema; ukiwapo wema wowote, ikiwapo sifa nzuri yoyote, yatafakarini hayo...”

6. Kariri maandiko		Zaburi 119:11 “Moyoni mwangu nimeliweka neon lako, nisije nikakutenda dhambi.”
BADILISHA BAYA KWA ZURI		
7. Kimbia majaribu		Yakobo 4:7 “Basi mtiini Mungu. Mpingeni Shetani, naye atawakimbia” 1 Wakorintho 10:13 “Jaribu halikuwapata ninyi, isipokuwa lililo kawaida ya wanadamu; ila Mungu ni mwaminifu; ambaye hatawaacha mjaribiwe kupita mwezavyo; lakini pamoja na lile jaribu atafanya na mlango wa kutokea, ili mweze kustahimili.”
8. Kuza tabia mpya		Wakolosai 3:1–16 “...kwa kuwa mmevua utu wenu wa zamani na matendo yake, na mmevaa utu mpya, ambao unafanywa upya katika maarifa kwa mfano wa Muumba wake. ”
9. Uwajibikaji		Mhubiri 4:9–10 “Afadhali kuwa wawili kuliko mmoja; Maana wapata ijara njema kwa kazi yao. Kwa maana wakianguka, mmoja wao atamwinua mwenzake; lakini ole wake aliye peke yake aangukapo, wala hana mwingine wa kumwinua!

Somo la 5: Kushinda Dhambi

HATUA	PICHA	DHAMBI
KUONDOA DHAMBI		
1. Tambua dhambi		Hasira
2. Kiri & usamehewe		Ninakiri kwamba mimi... Tafadhali nisamehe kwa....
3. Tubu & Jitoe		ISitaki tena kuwa na hasira kwa wale wanaonizunguka. Ninataka kuwatendea wengine wanaonizunguka kwa fadhili na huruma.
KUFANYA UPYA AKILI ZETU		
4. Omba kila siku		Ninahitaji msaada leo na...
5. Kudhibiti akili zetu		Ninapokasirika, ninafikiria kuhusu _____. Badala yake, ninataka kukumbuka kwamba Yesu alionesha uvumilivu badala ya hasira na _____.
6. Kariri maandiko		Mithali 15:18 "Mtu wa hasira huchochea ugomvi; Bali asiye mwepesi wa hasira hutuliza mashindano."
BADILISHA BAYA KWA ZURI		
7. Kimbia dhambi		Wakati ninapoanza kuhisi kuwa nina hasira, nitaondoka kwenye hali hiyo mpaka nitulie.
8. Kuza tabia mpya		Ninapoanza kuhisi hasira hufanya matembezi kwa dakika 5 na kumwomba Mungu anisaidie kuishi vile anavyonitaka.
9. Uwajibikaji		Nitakutana na (John) kila wiki kujadili jinsi ninavyofanya na kufikiria jinsi ambavyo ningeweza kushughulikia baadhi ya nyakati ambazo nilikasirika.

Dhambi za Kawaida: _____

HATUA	PICHA	DHAMBI
KUONDOA DHAMBI		
1. Tambua dhambi		
2. Kiri & Usamehewe		
3. Tubu & Jitoe		
KUFANYA UPYA AKILI ZETU		
4. Omba kila siku		
5. Kudhibiti akili zetu		
6. Kariri maandiko		
BADILISHA BAYA KWA ZURI		
7. Kimbia majaribu		
8. Kuza tabia mpya		
9. Uwajibikaji		

Somo la 7 & 8: Hatua za kupanga Matendo ya Upendo

1. **Kutaneni mara kwa mara** - Kama kanisa, mnahitaji mkutane mara kwa mara ili kuzingatia Matendo ya Upendo ili watu wasije wakasahau. Mjaribu kukutana angalau mara moja kwa mwezi kuomba, kujadili Matendo ya Upendo, na kupanga mipango.
2. **Ombeni pamoja** - Ni kwa nguvu ya Mungu na hekima yake tu tunaweza kubadilisha jamii zetu. Ni kazi isiyowezekana bila Yeye, lakini pamoja naye tunaweza kuleta mabadiliko ya kweli. Kamwe usisahau umuhimu wa maombi; usidanganyike kufikiria kuwa matendo yetu yanatosha bila maombi!
3. **Tathmini mahitaji na uombe** - Kila mtu anapaswa kuja kwenye mkutano tayari kujadili mahitaji yanayowazunguka. Unapokuwa katika mizunguko yako, unapaswa kuangalia mambo yanayohitaji kufanywa au watu wanaohitaji msaada. Kwenye mkutano, jadilini kuhusu nini kifanyike. Ombeni pamoja kwamba Mungu awaoneshe kile mnachopaswa kufanya na awasaidie kupanga mpango utakaomletea matokeo.
4. **Panga mpango na uombe** – (Rudia mipango ya Moduli 1 ikihitajika)
5. **Omba na kisha utekeleze** - Panga tarehe, saa, vifaa, zana, na watu wanaohitajika, na kadhalika.
6. **Tathmini na omba kumshukuru Mungu** - Angalia matokeo na toa sifa kwa Mungu kwa kukusaidia kumaliza kazi hiyo. Katika somo la uwajibikaji, tutajifunza zaidi kuhusu jinsi ya kufanya hatua hii na nini cha kutathmini.

Somo la 9: Njia Saba za Kuhimiza Kuhudumia

1. Fundisha juu ya umuhimu wa kutumikia/kuhudumia
2. Tengeneza fursa
3. Alikwa watu washiriki
4. Tambua na kuwashukuru watu
5. Sisitiza umuhimu
6. Fanyeni kazi pamoja
7. Kuwe kunafurahisha

- Je, umejaribu njia yoyote kati ya hizi? Njia ipi imefanya kazi? Ipi haikufanya kazi?
- Ni vifungu gani ambavyo tunaweza kutumia kufundisha juu ya umuhimu wa huduma?
- Ni njia zipi ambazo umetumia kutambua na kuwashukuru watu? Mawazo gani mengine ambayo unaweza kujaribu?
- Unawezaje kutengeneza raha/furaha zaidi? Ni njia gani za kufanya kutumikia/kuhudumia kufurahishe zaidi?

Somo la 9: Kanisa linalohudumia

Mchungaji James alikuwa akihihi ameshindwa kidogo. Alijua kwamba alitaka apate watu wanaohudumu katika kanisa lake, lakini hakujua ni kwa namna gani. Rafiki alikuwa amempa namba ya simu ya Mchungaji Moses na akapendekeza kwamba ampigie kwa ushauri. Alimpigia Mchungaji Moses na baada ya mazungumzo mafupi aliambiwa kwamba anahitaji kujenga mazingira ya kuhudumia kanisani kwake. Mchungaji James ilibidi akiri kwamba hakujua mazingira ya kuhudumia yalikuwaje. *'Usijali,'* Mchungaji Moses alijibu, *"hata mimi sikujua hadi miaka michache iliyopita. Njoo kwenye moja ya huduma zetu, nami nitakuonesha ninachomaanisha."*

Mchungaji James alikutana na Mchungaji Moses kwenye mlango wa kanisa. Alifarijika na akafurahi kuona kwamba Mchungaji Moses alionekana kweli anataka kumsaidia kuliko kumwonesha tu kanisa lake kubwa.

Walipoingia kanisani, Mchungaji James aliona bango kubwa. Iliandikwa "Shirikishi katika Siku ya Kuhudumia." Chini ya kichwa cha tangazo kulikuwa na aya '... lakini ninyi, ndugu, msikate tamaa katika kutenda mema. - 2 Wathesalonike 3:13. 'Chini ya hii, kila mwezi iliorodheshwa mistari 3 chini yake. Mistari wa kwanza ulikuwa wa idadi ya Matendo ya Upendo yaliyokuwa yamefanywa mwezi huo, mistari wa pili, idadi ya watu waliosaidiwa, na mistari wa tatu, idadi ya watu waliokuwa wameshiriki katika kusaidia.

'Hii ni nini?' Mchungaji James aliuza.

'Tuna siku ya kuhudumia kila mwezi,' Mchungaji Moses alielezea. *'Siku hizo tunajaribu kupata watu wengi kanisani wa kuhudumu kadiri iwezekanavyo. Mara kwa mara mimi hualika watu wajiandikishe ninapohubiri, na watu katika kanisa wanawaalika wengine wanaokutana nao kwenye maisha ya kila siku. Wengine huhudumu kanisani kwa kusaidia kwenye bustani au kupaka rangi chumba. Wengine wanahudumia jamii kwa kukarabati nyumba au kuwafurahisha watoto. Tunayo matangazo kadhaa kulizunguka kanisa ya kuwakumbusha watu juu ya siku hizi na kuwasaidia kuona ni watu wangapi wanahudumia na kwamba bado tunawahitaji washiriki. Kila mwezi tunaandika idadi ya Matendo ya Upendo tuliyoweza kufanya, idadi ya watu waliosaidiwa, na idadi ya watu waliohusika/walioshiriki. Kila mwezi, tunajaribu kuongeza idadi ya watu wanaoshiriki.'*

Mchungaji James alipotazama kuzunguka kanisa, aligundua kuwa ilikuwa kweli — kulikuwa na mabango kadhaa yenye aya mbalimbali kwenye kuta. Kwenye ukuta wa nyuma kulikuwa na picha kadhaa za matukio ya kuhudumia yaliyotokea zamani. Kulikuwa na picha nyingi za watu walioshiriki katika mambo mbalimbali: kujenga nyumba, kurekebisha barabara, kusafisha kanisa, na kufundisha watoto. Juu ya picha hizo kulikuwa na maneno makubwa yaliyosomeka, 'Tujenge Ufalme wa Mungu pamoja.'

Mchungaji James alikaa kitini wakati Mchungaji Moses akijiandaa kuanza ibada. Mchungaji James aliona watu wenye ukarimu wakisalimia kila mtu mlangoni na mwanamke akiwasaidia vipofu na wazee kupata viti na kuwahudumia chai. Alihisi kukaribishwa sana katika kanisa hili na alijiuliza kama angeweza kufanya kitu kama hicho katika kanisa lake.

Ibada ilipoanza, vijana kucheza na waumini waliimba nyimbo. Baada ya muda wa kuabudu, Mchungaji Moses aliwaalika watu kutoa ushuhuda. Mwanamke mzee alikuja mbele na kutoa ushuhuda, 'Nimefiwa na mume wangu na sasa ninamtunza mjukuu wangu wa kiume mwenyewe. Nyumba yangu ilikuwa katika matengenezo duni na ilivuja vibaya na mjukuu wangu alikuwa akifanya vibaya shuleni. 'Ghafla, alitabasamu sana,' Sasa kanisa limekuja na kunisaidia kukarabati paa. Na baadhi ya vijana walimwalika mjukuu wangu awe sehemu ya programu ya kufundisha ili asifanye vibaya shuleni. Ninashukuru sana kwa namna ambavyo kanisa limenijali. Asanteni wote! 'Kila mtu aliguswa na ushuhuda huo. Mchungaji Moses alirudi mbele ya kanisa na kuziomba timu zilizokarabati nyumba na kufundisha kusimama. Walipofanya hivyo kanisa lote liliwashangilia kwa nguvu. Walionekana kufurahi na kukaa kwa haraka.. Mchungaji Moses aliomba sala ya haraka kwa mwanamke huyo na timu zilizohudumia- kumshukuru Mungu kwa utayari wao wa kusaidia, kumshukuru Mungu kwa kuwatumia, na kumwomba Mungu aendelee kulisaidia kanisa kumletea utukufu kwa matendo yao ya huduma. Kisha Mchungaji Moses alikumbusha kanisa kwamba siku nyingine ya kuhudumia ilikuwa wiki 2 zijazo. Aliwaambia kwamba wanahitaji mwili wote/kanisa lote lifanye kazi pamoja ili kujenga Ufalme wa Mungu. Aliwakumbusha kwamba hakukuwa na sehemu za mwili zisizo na kazi na kwamba, kama mwili wa mwanadamu, kukiwa na sehemu zisizofanya kazi, basi mwili wote haufanyi kazi vizuri kama unavyoweza. Kisha akawaomba wale waliokuwa wameshajandikisha kuhakikisha kwamba wote wanamwomba mtu ajiunge nao siku ya kuhudumia.

Ibada ilipoendelea, Mchungaji James alizingatia yote aliyokuwa ameyaona na kuyasikia. Je, kulikuwa na mshangao wowote kwamba watu wengi kutoka kanisa hili walishiriki katika Matendo ya Upendo mara kwa mara? Mwishowe alielewa kile ambacho Mchungaji Moses alimaanisha aliposema kwamba lazima ujenge mazingira ya kuhudumia.

- Njia saba za kuhamasisha/kuhimiza zimewasilishwaje katika hadithi hii?
- Ni mawazo gani mengine unaweza kujifunza yanayoweza kufanya kazi vizuri katika kanisa lako?